



Bentiaraq Ottosen  
Atassut

UKA 2023/23  
3. oktober 2023

**Umiarsualivimmiinnermut akileraarutit pillugit Inatsisartut Inatsisaata allanngortinnera pillugu Inatsisartut inatsisissaannut siunnersuut (Umiarsuarni takornarianik angallassisuni ilaasut akileraarutaanik atuutilersitseqqinneq)**

(Aningaasaqarnermut Akileraartarnermullu Naalakkersuisoq)

**Siullermeernera**

Ukioq manna Kalaallit Nunaat aatsaat taamak annertutigisumik umiarsuarnik takornariartaatinik tikinneqartigaaq, illoqarfiillu tikinneqartut avatangiisai qiviarutsigit takornarissap tikinnerminiit nuna qimannissaata tungaanut avatangiiseq annertuumik sunnerneqartarmat. Tamakkua isumaqarpunga isiginngitsuusaagassaannngitsut, isumaqarpungalu qiviartariaqarigut nunatta avatangiisaa illersorumallugu.

Eqqarsaatigigutsigu umiarsuup uninngatilluni kisaqqanermini orsussaq annertoq kuutsillugu imartarput mingutsittarpaa, tamanna takuneqarsinnaalluarpoq sumiiffinni pineqartuni pujoq annertuumik silaannarmiittarmat orsussarlu imaanittarmat.

Siunnersuut siunertamini ajortuunngilaq, kisiat eqqarsaatigisariaqakkatta aamma ilagaat umiarsuit nunatta imartaaniileraangamik orsussaq olie oqimaatsoq atorlugu sumiiffimmut ingerlaartarnerat. Tamakkua eqqarsaatigalugit piareersimasariarpugut, piffiit imartai pineqartut aamma avatangiisai eqqarsaatigeqqullugit.

Umiarsualiviit 19-it pineqartut taakkuupput nunatsinni aningaasarsiornikkut pitsaasumik inissisimatitassagut, inoqarfinni annernut pingaarutilerujussuit. Taakkualu siunissami namminersortunngorsarneqarnissaat piareersimaffigisariaqarpavut. Taamaaliornikkut aamma umiarsualiveqarnerup pitsaasumik aserfallatsaaliineqarnerasigut inissisimatinneqarluni qulakkeerinnittussaammat. Tamatullu Kommune-t aningaasarsiorneranut qulakkeerinnittussaanerat ersersinneqassalluni.

Una siunnersuut ataatsimiititaliamut susassaqartumut innersuuppara, taamatullu aamma eqqissisimatitsinermut avatangiisinullu ataatsimiititaliaq peqataatinneqarnissaa innersuullugu.